



## Publicaziuns officialas dils 22-10-2021

---

### Damondas da baghegiar

#### Midada da project

Nr. 138.1/2020

Datum da publicaziun: 22-10-2021

Patrun: Boone Arjen e Justine, 4312 Magden  
Hibbert Alister e Sharon, Sevenoaks TN13 1PR

Representant: Tarcisi Maissen SA, 7166 Trun

Liug e parcelas: Clavadi; 2675

Object: spazzar e construir ina casa d'ina famiglia nova pli gronda

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 22-10-2021

*Cumissiun da baghegiar*

### Uffeci civil Surselva

#### Mortori

**Monn Mariuschla**, naschida ils 21-10-1933, morta ils 11-10-2021, stada sesenta a Cumpadials.

**Maissen Guido**, naschius ils 20-12-1935, morts ils 14-10-2021, staus sesents a Surrein.

**Degonda Franzestg**, naschius ils 12-02-1932, morts ils 18-10-2021, staus sesents a Mustér.

Sumvitg, 22-10-2021

*Controlla da habitonts*

### Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiu risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida.

Quellas lavurs da preparaziun sil temps d'unviern ston vegnir exequidas entochen alla fin d'october 2021. En cass d'omissiun refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 22-10-2021

*Departament traffic*

## Rumida da neiv 2021/2022

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats durant gl'unviern proxim ein supplicai d'annunziar quei a scret ni per telefon entochen ils **31 d'october 2021** al cau dil menaschi stradal (tel. 079 483 52 97).

Sumvitg, 22-10-2021

*Departament traffic*

## Curdem da gronda dimensiun

La vischnaunca organisescha ina rimnada da rufid bloccont sco suonda:

### **Venderdis, ils 29 d'october 2021 dallas 08.00 - 18.00 uras**

**Ei vegn rimnau il rufid per l'entira vischnaunca sin la piazza Igniu** (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m<sup>3</sup>** rumians. Quantitads pli grondas ein da transportar directamein e sin cuost dil caschunader ella deponia regiunala a Rueun. Rumians jamnils vegnan buca pri encunter. Tals rumians ein da plazzar als plazz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds senza ieli e benzin, da tuttas sorts fier, maschinas electronicas senza ieli, mobiliar movibel, requisits per il temps liber e sport,
- per pneus senza gavegl vegn incassau ina taxa da frs. 5.--, cun gavegl frs. 10.--
- per pneus da maschinas agricolas pintgas vegn incassau ina taxa da frs. 20.-- e per pneus da tractur frs. 50.--.
- calziers da skis san vegnir dai giu en favur dalla ARGO Tavau per frs. 5.--

Buca acceptau vegnan

- tuttas maschinas agricolas, lenna da brisch, lenna veglia e da baghetg, sacs da pupi ni plastic, materials da pachetar, requisits dil temps liber gronds, blachas da ballas da silo, curdems da baghetg, curdem verd da curtin.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sumvitg, 22-10-2021

*Departament d'ambient*

## Serrada via Naustgel

Muort in tagl da lenna resta la via Naustgel serrada naven da **gliendisdis, ils 25-10-2021 prevedentamein entochen ils 05-11-2021**. Nus engraziein per Vossa capientscha. Ulteriuras informaziuns survegnis Vus directamein da nies selvicultur Beat Cadruvi (tel. 079 638 18 19).

Sumvitg, 22-10-2021

*Uffeci forestal Sumvitg*

### **Sperrung Strasse Naustgel**

Wegen eines Holzschlags bleibt die Strasse Naustgel ab **Montag, 25.10.2021 voraussichtlich bis 05.11.2021** gesperrt. Wir danken für Ihr Verständnis. Weitere Informationen erhalten Sie direkt von unserem Revierförster Beat Cadruvi (Tel. 079 638 18 19).

Sumvitg, 22.10.2021

*Forstamt Sumvitg*

### **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2021** digl onn precedent cul formular correspondent tier l'administraziun communal. Nus supplichein per notizia da quest avis.

Sumvitg, 22-10-2021

*Cumissiun Greina*

### **Uniun da dunnas Rabiis**

#### **Finiastras d'advent**

Preziadas convischinas e convischins. Ei fagess grond plascher sche bia bialas decoraziuns ornassen era uonn puspei nies vitg. Has ti forsa era plascher dad arver ina finiastra d'advent? Tuttas convischinas e convischins da Rabiis, menaschis da fatschenta sco era las scolas astgan separticipar. Annunzias pren Renata Casanova bugen encunter tochen igl 1. da november sut la numera 078 635 30 37. Cun amicabels salids *La suprastonza*

### **Rimnada da pupi e cartun**

#### **Venderdis, ils 5-11-2021**

**avonmiezdi: Rabiis, Sumvitg, Cumpadials, S. Benedetg e Clavadi**

**suentermiezdi: Surrein**

Sch'enzatgi vul menar sez siu pupi e cartun tier las muldas, sesanflan quellas a Rabiis, Cumpadials, Sumvitg ed a Surrein. Per simplificar la rimnada supplichein nus da far pigns pacs e ligiar ils pachets da pupi sco era quels da cartun aschia ch'els dattan buca dapart. Grond engraziament per Vossa capientscha e bunaveglia. *Scolaras e scolars cun las persunas d'instrucziun dil Consorzi da scola Sumvitg-Trun*

### **Ev.-ref. Kirchgemeinde der Cadi**

Ordentliche Kirchgemeindeversammlung *Siehe unter Disentis/Mustér*